



# FULÁSUBUI LE LAGANAGUABEI HUNGULAMU III

Goluagei, lachawawaguniwa leiti, luma garábali lagánagua duna ya Honduras.

2021

Daga eneru lida irumu 2021 abürühati uruwai luagu **tederegeruniwa 698 goluauti luma 253 lawadagumeduniwa lachawawaguniwa leiti.**



Lagánaguagien sun le, **42 goluagei luma 38 lachawawaguniwa leiti, laganaguañein fulasu meiniwabei.**

**36 goluagei luma 9 lachawawaguniwa letiti laganaguanei duna ágei le subusiwalibei.**



Anhei awadagumeiduwa sun le uwagubei weyénuha gibetimabei duna ágei **amabeiduti lúmagien 29% lumoun 41%.**

Uboubui le risibei lidan goluagei luma dabiara ágei, sun le lunbei ladügüniwa dipenitimabei luagu dáradu le lunbei hadügüni uruweigi hama labúriña seinsu, **lun lubeigia labürüdünua kalan luruyei darádu, anügüni choruhameime ñeibaña lan lilana ubou hagánagua lun halügüdawaguniwa**, anharahamamuga, subudihameime lubaragien lagumeserun dasi.

Ya Honduras kei lidan américa latina iñúrali insiehabu lun lawadagumeiduwa goluagei, **lachawawaguniwa leiti, luma garábali laganagua duna weitimahali lidan dísi irumu le. Uruwei bui hama ha ichúgubsña wadágumanu hanhihaña lun fureselan lasagahoun lila duna luma muagei lun lawanserun fulasu luma lagúmuchun gudémei**; baré díseti sun le lun inárüni lugundun iñuti mati lebégi sügü laule lunbei lagañeiruniwa barüti wuribani fulasugún, gadeilumuti giñe sun garábali le lunbei wawáraguni.

Yúti lun uruwei latonigiuni sun wiwantian ha lídanbaña fulasu lelagúmadihabei, **kei gubeigü lachóruni magadeirunbri lan hamuan agei**, dan me ladügüniwa sun le uwagubei weyénuha.

70%

gabiludu (209) aníreihali leite ágei ñein luma goluágei.



Fulasu le deregewalibei lun lasagahoun golu chülúhali tidou 185 gabiludu ágei.



Ha lunbaña hachawagun leite lidon 81 gabiludu ágei



Yuti Lun uruwei lameinuní sun le yúbei houn lilana ubou, kei gubeigü lachóruni lubuidun louseruniwa sun hawadagumei ágei.

Kei le samínawalan gayara lan lagádeirun wadágumanu ágei mosu lasibihuniwa lun lubeigia lachoruniwa, lagúnfuliubalan. Kaba lan luruyei wadágumanu ágei luma houbadina girigia lagánaguamé lafansehuniwa sun luáguti leiti, goluagei, luma garábali lagánagua duna.



UNA  
UNIVERSIDAD NACIONAL  
AUTÓNOMA DE HONDURAS



FOSDEH  
Foro Social de Deuda Externa y Desarrollo de Honduras



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Agencia Suiza para el Desarrollo  
y la Cooperación COSUDE



OXFAM

# ¿KÁTAÑA TIMÁSAN UN LESÉRIWIDA ASÍBIHANI HOUN LABURIÑA SEINSU, LUNURUWEI, HOUN LILANA UBOU?

Su le derége walibei üwaraguati lumaiséri asíbihani furéseti giñe tederegehoun hagáradan lun hawadaguméiduni dabíara.

Lidan irúmu 2018, teriñahaña SERNA/ Mi Ambiente lun furése lan tederégerun gárada lun hawadagumeiduni dabíara.

Wériti wasáminarun meyénuhan hamá lau inárüni luagu wéiribeí lagádeirun gádantiwa wagaira.

Lídan irúmu 2019 Sansitumuti Congreso tilúdun Minería, luagutima lafayeihoniwa lunuruwei adügahamuti lúruđu kei habuserún létima wuribabei tidangie Corte Suprema lidan irúmu 2017.

Lídan düsuhati 2020 furitu gárada lúbiegren urúwei PCM-138-2020 lun ledéregeruniwa seinsu tun 14 wadágumanu wéinamuti ya Indura, lunyebe nege lachawawagun leiti, dei ugúñe ibidiewagíli luáguti.

Sunle houchagubei polítiku lun gibelan wadágumanu agei mawérinlan gubémei, charáguati.

Lí dangie murúsun wadágimanu le lidan fulasu, 20% murúsu houn hiñarunu lagánagua goluágei 19% murúsun lídan leitiagei keiburi 0.7% lífínga hadangie ha gayáramei hawadagumeidun.



13,942



3,270

Lidan irúmu 2015-2019 murúsun hagañerrun hiñaruñu lidangie hagañeirun eñeriñu ha lichügüdinabei seinsu ágei luma lúruđu weritimati ídemuei ichuguti tun empressa, murúsun lun lawán-nserun buidulan hadárane lílana fulásu.

Lidan irúmu 2021  
aránse houwáti

4.9 míyunu  
FIADÜRU

lun mafayeihan hamá acháwaraguatiña leiti, impuesto lun urúwei



Lau sun seinsu le mafayeirun tubei empressa loustouña hamuga **38% murúsun lebégi árani lun átuadi.**

Lau sun gibelán layanuhuniwa luagu goluagei añuraudeina líña le ichugubei lun (PIB).

Lidan irúmu 2010

0.98%

murúsun líchugun

Lidan irúmu 2019

0.60%

murúsun líchugun

Halügüdahanti urúwei luba lebélorun fulasugun, ligía mafierúniwa lubei luagu (urúwei) sun le ligía anügübeí wuribu hama lílana fulásu.

Ya Honduras malügüda wáguntiña lílana fulasu luagu tiludun Hidrocarbono ni lun hafayeihan luagu, lun lagibudagíduniwa mua luma fáyei luagu latonigirúniwa fulasu.

Gama lúmoun lídan lagumuhoun 10 irumu heneimeli teregeruniwa gárada luagu fulásu le edewehounbei, Ounahouwatian pailaba súdara; girígia ha atónigihabáli fulásu, agídarei halaan girígia hiñaruñu tima.

# HABULESERUNIWA LUMA HAFARAWAGÚN HIÑARUÑU LUAGU LAMEINIRUNIWA FULÁSU LE ÑEIN HABEI

Lúmagien irúmu  
2014-2018



## afarawaguation 65

hiñaruñu hama eñeriñu ha  
atonigihalalin halaan girígia.

Lúmagien irúmu  
2016-2017



## +1232

adügüwati sugulau 1232  
ameiniruti fulasu, bugáwatian,  
eibahouwatian, hawerin ágei ha  
abugahabalian súdaragu,  
municipalidad hama empresariu.

Abürühouwali luagu habuleseruniwa 2000 hiñaruñu ha  
atonigihabaña fulásugu 50% hádangien abulesehabalian:  
Súdara, milídarü, lúruđu gabiludugugien hama empresariu.

Hibeagei wagáirana dipénitian luagu dabíara, duna  
ágei labu mua lun habágeidun. Kei lougualab  
latouhoniwa fulásu agei lun latonigihoniwa sun le  
líchugubei, siedi lumuti átuadi saransi lumuti  
ligáburi wadeirun duna le dídeiti gadeilumuti giñe  
houserun lílana fulásu tumabui empresas to  
awadagumeidubei luagua sun proyectu.

Louguati laransehoun ligáradan fulásu lun  
lameinirun mua luma fulásu, luma lameinirun  
wamuan ágei. Megeiwati lameinirun wamuan ágei,  
lun ligirún le yúrubei woun, oúndara hagíame  
hiñarunu , máhatian lun neinbou.

Wérigudalali uruwei fulá lun lachawawagun leiti  
Segun ligía gibetian abuserunti, lidan lagúmu houn  
Dan sun fulásu le magumuchaguadibei iñunali lun  
37% lúmoun 65.5% lidantimanel dun agei le wéiriti  
ya Honduras.

# CONCESIONES LUMA PROYECTU HAGÁIRA INDÍGENA HAMA GARÍNAGU.

82 CONCESIONES GÓLUAGEI




35 PROYECTU LUN  
LACHAWAWAGUN LEITI

1 CONCESIÓN LÁNINA  
HIDROCARBURU



Lun hamúga anhawalán lun tebélurun sun Gárada to  
abürüdudon lun lachawawagún **leiti weiri timabei**  
**laweiridun 105% lun lasagahóun golu, luma 250%**  
**lun leiti ágei**



Hora lé hawadagumeiduñei 112  
proyectú Lánima leiti. Anhei hamúga  
awadagumeiduniwa sun Proyectú le  
gumese walibei lidan **sungubei**  
**Ñeinbei yebe 253 proyectú.**

Anhai awadagumeiduwa sun proyectú  
le lubaragien **2029, gayáрати hamuga**  
**Wadéirun 6,934 mega, sügü lau**  
**2,339 daga 5,150 mega le**  
**megeiwabei ya Honduras**



Derégewau 217 gárada lun  
lawadagumeiduniwa goluágei barúti  
**131,515 ha Lúmagua. Lun hamúga**  
**lawadagumeiduniwa sun muale derege**  
**walibei 698 luma le**  
**medéregerunwagilibei, loustouña**  
**hamuga 565,128 ha; aban 330% laoun.**

**Lidan rúmu 2008**

Múrusun lidan leiti

**FÉRIDIWATI**

**20.9%**

lidangiñe 6,533 Gwh le ubáfubei,  
fériditian 13,656 Gwh

**Lidan irúwu**


**2020**

iñiwati eféridiuni

**MURUSU**

**37.8%**

lidanbei irúmu 2018, feritu ENEE L6,962  
míllunu wárou.



Weiritimati leféridurun Honduras lidan sun **Lámidan Meríga, Belice, Costa Rica, Salvador luma Guatemala le hefériubi** 10-15% murúsun.

Anirein 15 proyectu lánima leiti lidan 15 departamentos lani Honduras (Idura).

Baré Kei masibihouniwalan lánina leiti lujn líderaguní le ayúsubaní leite ligibuñe le gaseinsunbei, masibihounwa ligía luagu lawánsenun habágari ha lilina fulasu le ñein lubei ladügúniwa proyectu lun leiti ágei.

Le agstorubei luagu leiti le gasánsiruwadibei mederegerunwatu houn fulásaguna Kei aban idémurei michugunti giñe lun lawánsenun fulasu.

Kei le uwalán idemuei houn sun mutu, mebe resewan ligía lau herérun lilan fulásu ñein lubei proyectu sañati lachawawagúniwa leiti lau sun lísurun.

Ya Honduras malügüda wáguntiña lílana fulásu luagu, tiludun hidrocarburo ni lun hafayeihan luagu, lun lagibudagíniwa fulásu.

Danme walihani Artículo 52 tani lúru du wasubudirubei luagu yurubei lan 15% lun urúwei, lidángie lun, lárígigienme daríguaña hougua mosu lichugúniwa 50% lidángie sun asagariti . Baré gíbetei ubou yá Latinoamerica itara Kei Colombia, Brasil, luma Venezuela iñutimati herebidun luei Honduras.

Lumoun eneru irumu 2020 abanrügúñe darádulánina Hidrocarburo wiwanlu: Le tánina AZIPETROL luma Caribx. Deregewati tunbui empresa bui to 1750% lacháwagun fulásu weitimati sügü lau le taríñagubei lúru du.

Dan lawadagumeiduniwa hidrocarburo sagü irúmu lamídoun barana, gayáрати lagádeirun ibágari leñeinbei, gadei-leime hatuadi, lumabeiganagei.

Anhei awiura Petroleu baranhoun gayarabei lagádeiruní. Lañaweiruni habagei agei Garífuna luma misquitu ya kósugu.

Tidángien: INHGEOMIN, INE, UICN, CIDH, ENEE, SEFIN, OACNUDH

DESCARGUE  
EL ESTUDIO



**Fulásubui le laganaguabei Húngulamu III:**

Goluagei, lachawawaguniwa leiti , luma garábali lagánagua duna ya Honduras.

[www.honduras.oxfam.org/Territorios-en-riesgo-3](http://www.honduras.oxfam.org/Territorios-en-riesgo-3)